

Lub Plaub Hlis Ntuj Tim 3, 2025

Ncauj Lus: MPS Ntaub Ntawv Hloov Pauv Tshiab Txog Kev Nyab Xeeb Los Ntawm Kuab Txhuas - Kev Thawj Coj thiab Kev Kawm Tsev Kawm Ntawv Txuas Ntxiv Mus

Nyob zoo txog Milwaukee Cov Tsev Kawm Nom Tswv Pab Cov Tsev Neeg thiab Cov Neeg Ua Hauj Lwm,

Nroog Milwaukee Lub Thawj Fab Saib Xyuas Hauj Lwm Txog Kev Noj Qab Haus Huv (MHD) thiab Milwaukee Cov Tsev Kawm Nom Tswv Pab (MPS) yuav ua tib zoo ua hauj lwm ua ke mus ntxiv los pov thaiv kev noj qab haus huv thiab kev nyab xeeb ntawm cov tub ntxhais kawm ntawv thiab cov neeg ua hauj lwm los ntawm kev hais daws cov kev phom sij los ntawm kuab txhuas thoob plaws cov tsev ntawm tsev kawm ntawv. Qhov no suav nrog cov kev tshuaj ntsuam yam tsis tu ncu, kev tu kom huv si, kev daws teeb meem, thiab cov lab npauv kev thaj tsob uas tau txais kev txhim kho.

Cov Chaw Pab Cuam Ntaub Ntawv Hloov Pauv Tshiab Txog Thawj Coj

Nyob rau lub lim tiam no, Sean Kane yuav tsis ua Tus Thawj Coj ntawm Cov Chaw Pab Cuam Yooj Yim thiab Cov Chaw Pab Cuam Tswj Xyuas Hauj Lwm rau MPS mus ntxiv lawm. Cheeb tsam tsev kawm ntawv yuav mob siab tshawb nrhiav kev hloov chaw kom ruaj khov mus ib txhis.

Hauv lub sij hawm no, Michael Mannan, Tus Thawj Coj ntawm MHD feem hauj lwm saib xyuas Kev Noj Qab Haus Huv Ntawm Chaw Ib Puag Ncig Hauv Tsev (HEH), yuav txhawb nqa MPS puv sij hawm. Mannan muaj kev paub dhau los ntev tshaj 25 xyoos hauv kev yuam siv txoj cai, kev ntsuam xyuas kev pheej hmoo txog kuab txhuas, thiab kev txo qis kev phom sij los ntawm kuab txhuas. Nws muaj ntawv pov thawj hauv tag nrho fab kev tshuaj ntsuam thiab kev txo qis cov kuab txhuas thiab cov hmoov pob zeb thiab yav dhau los tau ua hauj lwm tam li yog tus kws ntsuam xyuas kev pheej hmoo los ntawm kuab txhuas txog tsib lub xyoo nrog MHD.

Mannan lub luag hauj lwm yuav tsom rau kev txhawb nqa kev hais daws kev phom sij los ntawm kuab txhuas, tshuaj xyuas cov qauv cai kev tu huv, taw qhia txog cov kev tshuaj ntsuam li txhua zaus, thiab muab lus pab tswv yim txog kev txhim kho Txoj Phiaj Xwm Kev Nqis Tes Ua Txog Kuab Txhuas Ntawm MPS. Kev sib koom tes uas muaj zog no yuav pab txhawb txog qhov tseem ceeb ua ke txog kev tiv thaiv cov tub ntxhais kawm ntawv thiab cov neeg ua hauj lwm.

Kev Nce Qib ntawm Cov Tsev Kawm Ntawv Uas Kaw Cia Ib Ntus

Nyob rau lub lim tiam no, Tsev Kawm Ntawv Fernwood MONTessori, Lub Chaw Pab Cuam Me Nyuam Yaus Thaum Tseem Yau Stars, thiab Tsev Kawm Ntawv LaFollette tseem kaw cia. Cov tsev kawm ntawv no yuav tsis rov qab kom txog thaum MHD kuaj xyuas tias tau ua tau raws li txhua cov qauv cai kev nyab xeeb txog kuab txhuas lawm tso.

Peb tseem yuav muab cov ntaub ntawv hloov kho tshiab yam tsis tu ncu mus ntxiv rau cov tsev neeg uas raug kev cuam tshuam thiab yuav ceeb toom qhia rau koj paub kom sai li sai tau thaum paub meej txog cov phiaj xwm yuav rov qab tsev kawm.

Kev Kuaj Ntsuas Txog Kuab Txhuas rau Cov Me Nyuam Yaus

Yeej xav kom cov tsev neeg coj MPS cov tub ntxhais kawm ntawv thiab cov me nyuam yaus uas muaj hnuv nyooq qis dua 6 xyoo mus kuaj txog kev raug rau kuab txhuas los ntawm lawv tus kws muab kev saib xyuas kho mob xub thawj. Tib txoj hau kev yuav paub tau seb tus me nyuam puas tau raug rau kuab txhuas yog los ntawm kev ntsuas saib. Cov tsev neeg tuaj yeem teem sij hawm kuaj ntsuas nrog lawv tus

kws kho mob tau los sis mus rau lub chaw kuaj mob kom tau kev ntsuas saib kuab txhuas pab dawb. Cov hnuv tim qhib lub chaw kuaj mob thiab cov chaw tuaj yeem nrhiav tau ntawm:

- milwaukee.gov/MPS-Lead
- mpsmke.com/mpsleadreport

Peb paub tias qhov no yog ib lub sij hawm uas ua rau ntshov siab kawg, thiab peb thov ua koj tsaug rau kev ua siab ntev thiab kev koom tes yam tsis tu ncu. Kev xyuas kom paub tseeb tias cov chaw ib puag ncig kev kawm muaj kev nyab xeeb thiab muaj kev noj qab haus huv zoo tseem yuav yog peb lub luag hauj lwm yuav tau xub ua tshaj plaws.

Sau npe,

Chaw Saib Xyuas Kev Noj Qab Haus Huv Chaw Ib Puag Ncig Hauv Tsev

Nroog Milwaukee Lub Thawj Fab Saib Xyuas Hauj Lwm Txog Kev Noj Qab Haus Huv

Chaw Hauj Lwm Tswj Hwm Tsev Kawm Ntawv

Milwaukee Cov Tsev Kawm Nom Tswv Pab